

# ՊԱՏԱՍԽԱՆԱՏՎՈՒԹՅՈՒՆԻՑ ԱՆՀՆԱՐ Է ԽՈՒՍԱՓԵԼ

Աղբրեջանի ազդեցիկ ծայրահեղական ուժերի կազմակերպած շրջափակումը բացասական շատ կողմերից բացի նաև ուղղակի հանցավոր կողմ ունի: Հայաստանի համար նախատեսված վագոնների կուտակումը, կայարաններում տիրող անկարգությունը սնուցիչ միջավայր են երկարաժամ ամեն կարգի հափշտակումների համար:

Ինչպիսի՞նք է իրադրությունը այժմ, ի՞նչ է արվում վտանգավոր հանցագործությունները կասեցնելու և բացառապես համար՝ այս մասին Արմենպրեսի թղթակից Բ. ՔՅՈՒՅԱՐՅԱՆԻՆ պատմում է Հայաստանի տրանսպորտի դատախազ, արդարադատության ավագ խորհրդակալ Ժ. ԽԱՌԱՏՅԱՆԸ:

— Անկարգությունների մասին առաջին ահազանգումները ե՞րբ ստացվեցին դատախազությունում:

— Հարվածությունը վաղուց գոյություն ուներ, բայց երբ բռնները հանապարհին էին, ապա դրանց անվտանգությունը այնուամենայնիվ ինչ-որ կերպ երաշխավորվում էր Աղբրեջանից Հայաստան ուղարկելիս: Սակայն արդեն օգոստոսին մենք զգացինք ռեալ իրադրությունը. կայարաններում գոյացած խցանումները այնտեղ բերեցին ամեն տեսակ հանցավոր տարրերի: Գողություն, կողոպուտների, շարամիտ խուլիգանության կորագիծը սրբաթացորեն վեր բարձրացավ, մասնավորապես սեպտեմբերի վերջին:

— Դուք չէի՞ք կարող արդյոք, կոնկրետ օրինակներ բերել:

— Մամուլում բազմիցս բերվել են նման փաստեր: Ես կ՛հիշատակեմ միայն այն փաստերը, որոնց հիման վրա քրեական գործեր են հարուցված:

Սեպտեմբերի 22-ին Նորաշենի

կայարանից Մասիս ժամանեց Ավստրիայում բռնավորված մի վագոն: Կոմիսիոն բռնաթափման ժամանակ պարզվեց, որ բռններից պակասում են 21,9 հազար ուրլու կանանց զուգազուգաներ: Մի քանի օր հետո նույն Նորաշենի կայարանում կապարակնքված ու տեղ հասցված վագոնից, որը նախատեսված էր «Գարուն» միավորման համար, պակասում էր 24 հազար ուրլու մորթեղենի հումք: Իսկ ինչքան մթերքներ են փչացել:

— Իսկ դատախազությունում կա՞ն արդյոք բազմաթիվների, առեմ, ուղևորների նկատմամբ ձեռնարկված հակաիրավական գործողությունների փաստեր:

— Կան: Սեպտեմբերի 27-ին Շախտինսկի կայարանում մի խումբ աղբրեջանցիներ հարձակվել են Բաթու—Նրևան զնացքի վրա: Գնացքում էին նաև Իրանից վերադարձող մի խումբ հայ տուրիստներ: Մայրահեղականները, որոնք իրենց Աղբրեջանի ժողովրդական ճակատի անդամներ են հորջոր-

չում, սպառնալով դանակներով, ավազակային հարձակում են գործել, հափշտակել իրեր, թույլ տալով առանձնապես շարամիտ խուլիգանություն: Տուրիստների հայտարարության համաձայն, հաջորդ իսկ օրը Հայաստանի ներքին գործերի տրանսպորտի վարչությունում քրեական գործ է հարուցվել, որը և ակտիվորեն հետաքրքրվում է: Հետաքննվում է նաև Արտաշատի կայարանում զնացքի մեջ քաղաքացի Ավանեսովի մահվան վերաբերյալ գործը: Պարզվել է, որ նրան զազանաբար ծեծել են Բաթվում, հենց իր տան բակում, փոխադրել Բաթվի հիվանդանոցներից մեկը, բայց հետո նրան անգիտակից վիճակում դուրս են գրել և հանձնել ինչ-որ մի մայրի Հայաստան տեղափոխելու համար: Ավանեսովը մահացել է գլխուղեղի ծանր վնասվածքից: Միայն սեպտեմբերին տրանսպորտում մեր քննչական մարմինները վարույթի են ընդունել 22 քրեական գործ:

— Ձեռնարկվո՞ւմ են, արդյոք, միջոցներ բռնների պահպանվածությունը և զնացքների երևելիության անվտանգությունը ապահովելու համար:

— Այո, այժմ Հայաստանի ներքին գործերի տրանսպորտի վարչությունը վեց անգամ ավելացրել

է զնացքներն ուղեկցող միլիցիայի կարգախմբերի թիվը: Մենք Աղբրեջանի և Կիրովաբադի տրանսպորտի դատախազների հասցեով բողոքագրեր ենք ուղարկել այն մասին, որ աղետյալ գոտում կատարվող շինարարության համար ստացվող ավտոտեխնիկայից և գյուղատնտեսական տեխնիկայից մասեր են պակասում, որ վնասվում են կապի կաբելներ և թույլ են տրվում այլ խախտումներ:

Շրջափակումը խայտառակ երեվույթ է, ազգամիջյան վեճերի լուծման մեթոդ չէ: Չէ որ դրանից տուժում է ոչ միայն Հայաստանը, այլև ամբողջ երկիրը: Վրենասը հսկայական է: Ուստի և շրջափակումը վերացնելու, տրանսպորտի աշխատանքում հատուկ ուժեր սահմանելու պահանջները, որոնք առաջ քաշվեցին ԽՍՀՄ Գերագույն խորհրդի նստաշրջանում, գոհունակության պահանջում են առաջացնում ոչ միայն մեր հանրապետության աշխատավորության մեջ: Ամոթալի պրովոկացիայի կազմակերպիչները պետք է քաղաքական և օրենքով նախատեսված պատասխանատվություն կրեն, լճրիվ հատուցեն նյութական վնասը:

ՀԿԿ Լենինյան շրջկոմը, Հայֆիմմեֆեռա ա/մ կուսկոմիտեն խորվշտով հայտնում են 1939 թ. ԽՄԿԿ առկամ, աշխատանքի վետերան, բանվոր, Լենինի, Պատվոնշան շխանչանների ասպետ ՀԱՄԱԶԱՍԳ ՎԱՐԻԱՆԻ ՍԱՐԳՍՅԱՆԻ մահը և ցավակցում հանգուցյալի հարազատներին: